



PARTII INUIT INATSISARTUNI

Partii Inuit

UKA 2013/86-1

Randi Broberg

06.11.2013

Una pillugu siunnersuut: Ingerlatseqatigiiffiit Kalaallit Nunaannilu oqartussaasut whist-leblowereqarnissamut aaqqissuussinissamut (kinaassutsimik ersersitsisuunngitsumik ilisimasamik ingerlatitseeqqiisinnaanermut periarfissiisumik) malittarisassiunneqarnissaannut Naalakkersuisut peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Naaja H. Nathanielsen, Inuit Ataqatigiit)

Partii Inuit maluginiarparput siunnersuummi anguniarneqartoq qulakkiissallugu suliffimmi imal. atuuffimmut atasumik ilisimalikkanik naapertuussorinngisanik avammut tamanut tusarliussisinnaanerup, maleruaqqusatigut ilumut aporfissaqannginnera.

Partii Inuit siunnersuutigineqartutuut isumaqatigaarput, suliffimmi imal. atuuffimmut atasumik ilisimalikkanik naapertuussorinngisanik avammut tamanut tusarliussisinnaanerup, maleruaqqusatigut aqqutissiuunnissaata ilumut aporfissaqannginnerata qulakkeernissaa.

Suliap ingerlaqqinnissaa qilanaaralugu, Partii Inuit innersuussutigissavarput, taama isikkoqarluni siunnersuut aappassaaneerneqassasoq.